


*Sarajevska berza vrijednosnih papira – statistika Januar 2015.*

U januaru 2015. godine na Sarajevskoj berzi-burzi ostvaren je ukupan promet od 6.719.866,97 KM, što čini 22,42 % od ukupnog prometa koji je ostvaren na BH berzama. U sklopu 354 transakcije prometovano je 1.685.730 vrijednosnih papira.

*Promet po vrstama trgovine:*

Promet po vrstama trgovine	Promet (KM)	Promet (VP)	Broj transakcija
<b>BTS Trgovina</b>			
Redovna berzanska trgovina	3.569.357	1.621.089	346
Vanredne i posebne aukcije	521.798	43.953	3
Primarna trgovina	0	0	0
<b>Prijavljena trgovina</b>			
Paketi dionica	0	0	0
Vanberzanske transakcije	2.628.711	20.688	5
<b>Ukupno</b>	<b>6.719.866</b>	<b>1.685.730</b>	<b>354</b>

*Promet po danima:*

Promet po tržišnim segmentima – redovna berzanska trgovina:

	Promet (KM)	Promet (VP)	Broj transakcija
Kotacija kompanija	198.497	19.139	35
Kotacija fondova	1.206.830	346.066	104
Kotacija obveznice	924.808	1.125.572	51
Primarno slobodno tržište	759.724	31.605	119
Sekundarno slobodno tržište	406.336	67.749	29
Tercijarno slobodno tržište	72.909	28.458	7
Emitenti u stečaju	250	2.500	1
<b>Ukupno:</b>	<b>3.569.357</b>	<b>1.621.089</b>	<b>346</b>

Na Kotaciji kompanija ostvaren je promet dionicama emitenta "Bosnalijek" d.d. Sarajevo u iznosu od 198.497,62 KM što čini 5,56% od ukupno ostvarenog redovnog prometa. Zvanični kurs emitenta porastao je za 1,29 % u odnosu na prethodni mjesec. Dionicama emitenta "Klas" d.d. Sarajevo, nije bilo zaključenih transakcija u januaru 2015. godine. Na ovom segmentu tržišta prometovano je ukupno 19.139 dionica.

Na Kotaciji fondova, promet ostvaren u januaru iznosio je 1.206.830,07 KM ili 33,81 % od ukupno ostvarenog redovnog prometa. Najveći promet na Kotaciji fondova ostvaren je dionicama emitenta ZIF "Eurofond-1" d.d. Tuzla u iznosu od 372.608,56 KM, uz mjesečni porast kursa od 10,05 %. Na drugom mjestu po prometu nalazi se ZIF "Herbos fond" d.d. Mostar sa ostvarenim prometom od 319.935,00 KM, i bez promjene vrijednosti kursa u odnosu na prethodni mjesec. Dionicama emitenta ZIF "Fortuna fond" d.d. trgovano je u obimu od 213.750,00 KM, sa padom kursa od 5,00 % u odnosu na prethodni mjesec. Na ovom segmentu tržišta prometovano je ukupno 346.066 dionica.

Na Kotaciji obveznica, promet ostvaren u januaru iznosio je 924.808,59 KM ili 25,91 % od ukupno ostvarenog redovnog prometa; od toga se obveznicama ratnih potraživanja Federacije BiH trgovalo u iznosu od 916.800,75 KM, dok je sa obveznicama stare devizne štednje FBiH ostvaren ukupan promet u iznosu od 8.007,84 KM. Na ovom segmentu tržišta u sklopu 51 transakcije prometovano je 1.125.572 obveznice.

Promet na Primarnom slobodnom tržištu iznosio 759.724,99 KM ili 21,28 % od ukupno ostvarenog redovnog prometa. Najveći promet na Primarnom slobodnom tržištu u januaru ostvaren je sa dionicama emitenta BH "Telecom" d.d. Sarajevo u iznosu od 288.068,51 KM. Na drugom mjestu po ostvarenom prometu nalazi se emitent "Fabrika duhana Sarajevo" d.d. Sarajevo sa iznosom od 100.617,60 KM. Treće i četvrto mjesto zauzimaju "IK Banka" d.d. Zenica sa prometom od 89.564,02 KM, te "Tvornica cementa Kakanj" d.d. Kakanj sa ostvarenim prometom u iznosu od 84.000,00 KM.

Promet na Sekundarnom slobodnom tržištu iznosio je 406.336,86 KM ili 11,38 % od ukupno ostvarenog redovnog prometa. Najveći promet na Sekundarnom slobodnom tržištu u januaru ostvaren je sa dionicama emitenta "Prehrana - promet" d.d. Tuzla u iznosu od 123.931,80 KM. Na

drugom mjestu po ostvarenom prometu nalazi se emitent "Bamcard" d.d.Sarajevo sa iznosom od 108.240,00 KM. Treće mjesto zauzima emitent "RMU Banovići" d.d. Banovići sa prometom od 81.600,00 KM (emitent se do izvršene redovne revizije nalazio na Primarnom slobodnom tržištu).

Promet na Tercijarnom slobodnom tržištu iznosio je 72.909,54 KM; u sklopu 7 transakcija prometovano je 28.458 dionica. Najveći promet na Tercijarnom slobodnom tržištu u januaru ostvaren je sa dionicama emitenta "Kvalitet" d.d. Bugojno u iznosu od 31.313,92 KM.


Na Tržištu za emitente u stečaju trgovalo se u iznosu od 250,00 KM.

	Kotacija kompanija	Kotacija fondova	Kotacija obveznica	Primarno slobodno tržište	Sekundarno slobodno tržište	Tercijarno slobodno tržište	Emitenti u stečaju	Ukupno
<b>Promet (KM)</b>	198.497	1.206.830	924.808	759.724	406.336	72.909	250	<b>3.569.357</b>
<b>Prometovanih VP</b>	19.139	346.066	1.125.572	31.605	67.749	28.458	2.500	<b>1.621.089</b>
<b>Broj transakcija</b>	35	104	51	119	29	7	1	<b>346</b>

#### *Indeksi i tržišna kapitalizacija:*

Kod indeksa investicijskih fondova BIFX-a, u mjesecu januaru, zabilježen je porast vrijednosti od 3,82 %. Vrijednost indeksa SASX-10 pala je za 1,16 % u odnosu na prethodni mjesec. Pala je i vrijednost indeksa Primarnog Slobodnog tržišta SASX-30 za 0,35% u odnosu na prethodni mjesec.

Pokazatelj	Zadnji dan prethodnog perioda	Zadnji dan perioda	Promjena
Tržišna kapitalizacija	4.786.729.537,91	4.755.816.040,47	-0,65%
BIFX	1.480,01	1.536,62	3,82%
SASX-10	714,78	706,50	-1,16%
SASX-30	927,09	923,88	-0,35%



#### Emitenti na SASE:

Ukupno emitenata	320
Minimalno jedna trgovina u periodu	57
Kotacija kompanija	2
Kotacija fondova	11
Primarno Slobodno tržište	30
Sekundarno Slobodno tržište	140
Tercijarno slobodno tržište	112
Emitenti u stečaju	25
Novo-uvrštenih emitenata	1
Obustava prometa	1
Opoziv obustave prometa	1

#### Promet po emitentima:

Emitent	promet	broj transakcija	promjena kursa
FBiH obveznice ratna potraživanja ser. A	586.130,94	15	1,12%
ZIF Eurofond-1 d.d Tuzla	372.608,56	27	10,05%
ZIF Herbos fond d.d Mostar	319.935,00	9	0,00%
BH Telecom d.d. Sarajevo	288.068,51	40	-0,94%
ZIF Fortuna fond d.d	213.750,00	3	-5,00%
Bosnalijek d.d. Sarajevo	198.497,62	35	1,29%
FBiH obveznice ratna potraživanja ser. D	129.732,17	9	2,65%
Prehrana - promet d.d. Tuzla	123.931,80	5	68,57%



ZIF BIG Investiciona grupa d.d Sarajevo	122.809,09	25	-2,69%
Bamcard d.d.Sarajevo	108.240,00	4	-20,00%

U januaru 2015. godine na Sarajevskoj berzi bilo je prijavljeno 5 vanberzanskih transakcija u ukupnoj vrijednosti od 2.628.711,00 KM. Održane su dvije aukcije za kupovinu dionica Berze i jedna vanredna aukcija u ukupnom iznosu od 521.798,30 KM.

Datum	emitent	cijena	Broj trgovanih VP	Vrijednost prometa	Broj transakcija
07.01.2015.	RUDNIK BOKSITA DD BOSANSKA KRUPA	2,00	534	1.068,00	1
09.01.2015.	AGRAM NEKRETNINE DD MOSTAR	175,00	7.500	1.312.500,00	1
09.01.2015.	BSO DD SARAJEVO	359,00	3.600	1.292.400,00	1
16.01.2015.	CENTROTRANS-EUROLINES DD SARAJEVO	24,50	206	5.047,00	1
22.01.2015.	BUGOJNOPROMET DD BUGOJNO	2,00	8.848	17.696,00	1
<b>Ukupno</b>			<b>20.688</b>	<b>2.628.711,00</b>	<b>5</b>

#### Struktura investitora:

	Kupovna strana	Prodajna strana
<b>Domaći investitori</b>	50,36%	39,56%
<b>Strani investitori</b>	16,01%	35,12%
<b>Skrbnički računi</b>	33,63%	25,32%



## *Vijesti sa tržišta kapitala*

- Registar vrijednosnih papira u Federaciji BiH 30.1.2015., izvršio: upis obustave prometa na vrijednosnom papiru: oznake STAKR, ISIN broja: BASTAKR00006, emitenta STAKLENICI D.D. ČAPLJINA , količine 74.402, nominalne vrijednosti jedne dionice 36,64 KM.
- Registar vrijednosnih papira u Federaciji BiH 28.01.2015., izvršio:
  - brisanje vrijednosnih papira: oznake ZICARK3, ISIN broja: BAZICARK3007, emitenta MS & WOOD d.d. Sarajevo , količine 160.044, nominalne vrijednosti jedne dionice 110,00 KM.
  - upis novih vrijednosnih papira u sistem registracije Registra: oznake ZICARK3, ISIN broja: BAZICARK3007, emitenta MS & WOOD d.d. Sarajevo, količine 160.044, nominalne vrijednosti jedne dionice 92,50 KM.
- Registar vrijednosnih papira u Federaciji BiH 13.01.2015., izvršio:
  - brisanje vrijednosnih papira: oznake PPMTRK3, ISIN broja: BAPPMTRK3007, emitenta PRERADA I PROMET MLIJEKA DD TUZLA , količine 65.493, nominalne vrijednosti jedne dionice 46,00 KM.
  - upis novih vrijednosnih papira u sistem registracije Registra: oznake PPMTRK3, ISIN broja: BAPPMTRK3007, emitenta PRERADA I PROMET MLIJEKA DD TUZLA, količine 65.493, nominalne vrijednosti jedne dionice 10,00 KM.
- Registar vrijednosnih papira u Federaciji BiH 12.01.2015., izvršio:
  - brisanje vrijednosnih papira: oznake PPMTRK2, ISIN broja: BAPPMTRK2009, emitenta PRERADA I PROMET MLIJEKA DD TUZLA , količine 261.974, nominalne vrijednosti jedne dionice 11,50 KM.
  - upis novih vrijednosnih papira u sistem registracije Registra: oznake PPMTRK3, ISIN broja: BAPPMTRK3007, emitenta PRERADA I PROMET MLIJEKA DD TUZLA, količine 65.493, nominalne vrijednosti jedne dionice 46,00 KM.
- Sarajevska berza VP izvršila je redovnu reviziju emitenata kojima se trguje na Primarnom slobodnom tržištu SASE. U skladu sa iskazanom likvidnosti emitenata na Slobodnom tržištu i ispunjavanjem obaveza izvještavanja određeno je 30 emitenata koji će od 19.01.2015. godine činiti Primarno Slobodno tržište i indeks SASX-30. Kompletan spisak moguće je pronaći na web stranici: [www.sase.ba](http://www.sase.ba)
- Izvršena vanredna revizija simbola koji čine Primarno slobodno tržište i indeks SASX-30, zbog delistiranja dionica emitenta Staklenici d.d. Čapljina (simbol: STAKR) zbog promjene oblika društva.
- Izvršena vanredna revizija simbola koji čine Primarno slobodno tržište i indeks SASX-30, zbog delistiranja dionica emitenta Staklenici d.d. Čapljina (simbol: STAKR) zbog promjene oblika društva.

- Vrijednosni papiri emitenta JP "Komos" d.d. Mostar (simbol: JPKMR) prebačeni na subsegment Slobodnog tržišta za emitente u postupku stečaja, budući da je otvoren stečajni postupak nad navedenim društvom ("Sl. novine Federacije BiH", broj:106/14).
- Komisija za vrijednosne papire Federacije Bosne i Hercegovine, rješavajući po zahtjevu društva Fabrika duhana d.d. Sarajevo, na 427. sjednici održanoj 15.01.2015. godine, je donijela Rješenje kojim se odobrava Tender ponuda za preuzimanje emitenta "Vakufska banka" dioničko društvo Sarajevo. (Sl. novine FBiH 7/15).

## *Biznis vijesti*

- **NLB u 2014. poslovala pozitivno prvi put nakon 2008**

Nova Ljubljanska banka (NLB) prošle je godine po prvi put nakon 2008. zabilježila pozitivan poslovni rezultat, potvrdio je u četvrtak Janko Međa, direktor ove najveće slovenačke banke.

Banka je negativne poslovne rezultate inače bilježila sve od 2008, s time da je 2012. imala 305 milijuna, a 2013. čak 1,45 mlrd EUR gubitka. Krajem 2013. banka čiji je vlasnik država dokapitalizirana je sa 1,86 mlrd EUR, a dobar dio njenih loših kreditnih potraživanja prebačen je na posebnu finansijsku ustanovu, tzv. "lošu banku", čime je otpočeo proces njene sanacije i restrukturiranja. Međa je u četvrtak izjavio da za NLB još uvijek problem predstavljaju preostala loša potraživanja, te ocijenio da bi banku trebalo privatizovati. Ukoliko se to ne bi dogodilo, bilo bi to negativno iznenađenje, rekao je Međa, dodavši da bi scenario po kojem bi država u banci zadržala kontrolni udio bio loš jer bi za banku u tom slučaju teško bilo naći kupca.

- **"Bosnalijek" ostvario rekordnu dobit u 2014.**

Najveća zdravstvena kompanija u BiH "Bosnalijek" ostvarila je u 2014. godini ukupan prihod od prodaje u rekordnom iznosu od 120 mil KM, što predstavlja rast od 21% u odnosu na prošlu godinu. Prema preliminarnim rezultatima, neto dobit u 2014. godini dostigla je visokih 10 mil KM, uz povrat na kapital od 7%."Bosnalijek" je ne samo odgovorno revitalizirao i stabilizirao svoje poslovanje, nego je i uspješno realizovao plan poslovanja za prethodnu godinu, ostvarivši najbolji rezultat u historiji kompanije - ističe Uprava kompanije. Posebno raduje podatak da je u strukturi prodaje zaustavljen negativan trend na domaćem tržištu, te je po prvi put nakon sedam godina ostvaren rast prodaje u BiH, koja čini 34% ukupne prodaje. Ovim rezultatom, "Bosnalijek" je potvrdio lidersku poziciju u BiH, kao istinski domaći proizvođač koji zapošljava više od 700 radnika. "Bosnalijek" je i u prošloj godini ostao dosljedan u namjeri da rezultate svojih poslovnih uspjeha podijeli sa širom društvenom zajednicom. Kompanija je nesebično pružila podršku građanima u područjima pogođenim poplavama u BiH, putem donacija u lijekovima i drugim vidovima podrške.

- **Vlada FBiH odobrila finansijsku konsolidaciju "Hidrogradnje" i Konfekcije "Borac"**

Vlada Federacije BiH u četvrtak (8. januar 2015.) je donijela Odluku kojom odobrava pokretanje postupka finansijske konsolidacije privrednog društva Konfekcija "Borac" iz Travnika koji ne može

trajati duže od tri godine. Odobreni postupak obuhvata izmirenje dugovanja ovog privrednog društva nastalih do 30.9.2013. godine u ukupnom iznosu od 24.898.076,93 KM koja su nastala po osnovu doprinosa za zdravstveno osiguranje, doprinosa za osiguranje od nezaposlenosti, poreza (s kamatama) – isključujući porez na dodanu vrijednost, isporučenu vodu i struju, dugovanja prema dobavljačima za isporučene robe i usluge i dugovanja prema zaposlenicima. "Borac" će ova dugovanja izmiriti u skladu s elaboratom opravdanosti finansijske konsolidacije i srednjoročnim planom razvoja ovog privrednog društva, a na osnovu sporazuma koje će sačiniti sa svakom nadležnom federalnom i kantonalnom institucijom, davaocima usluga, dobavljačima i zaposlenicima. Federalna vlada odobrila je danas i pokretanje postupka finansijske konsolidacije privrednog društva "Hidrogradnja" Sarajevo, koji također ne može trajati duže od tri godine. Ovaj postupak obuhvata izmirenje dugovanja ovog privrednog društva nastalih do 30.9.2013. godine u ukupnom iznosu od 23.301.534,11 KM, po osnovu doprinosa za zdravstveno osiguranje, doprinosa za osiguranje od nezaposlenosti, poreza (s kamatama) – isključujući porez na dodanu vrijednost, isporučenu vodu, struju, plin, grijanje i ostale komunalne usluge, dugovanja prema dobavljačima za isporučene robe i usluge i dugovanja prema zaposlenicima, a u skladu sa elaboratom opravdanosti finansijske konsolidacije i srednjoročnim planom razvoja ovog privrednog društva. Ova dugovanja "Hidrogradnja" će izmiriti na osnovu sporazuma koje će sačiniti sa svakom nadležnom federalnom i kantonalnom institucijom, davaocima usluga, dobavljačima i zaposlenicima.

- **Mostarsko komunalno preduzeće "Komos" ide u stečaj**

Općinski sud u Mostaru donio je odluku o otvaranju stečajnog postupka u preduzeću JP "Komos" dd Mostar. Stečajni postupak je, kako se navodi u najnovijem izdanju Službenih novina BiH, otvoren na dan 22. decembar 2014., a za stečajnog upravnika je imenovan Hamid Tipura iz Mostara. Povjerioci JP Komos su pozvani da u roku od 30 dana od dana objavljivanja oglasa u Službenim novinama prijave svoja potraživanja sudu. JP "Komos", komunalno preduzeće koje djeluje u istočnom dijelu Mostara, već duže se nalazi u teškoćama. U 2012.godini gubitak kompanije je iznosio 264.172 KM, a u 2013.godini 558.959 KM. Preduzeće je imalo 2013. godine kratkoročne obaveze od 6,4 miliona KM, od čega se više od tri miliona odnosilo na obveze po osnovu plaća, naknada i ostalih primanja zaposlenih. Kako se napominje u finansijskom izvještaju za 2013. godinu, razlog za gubitak je smanjenje izdvajanja za zajedničku komunalnu potrošnju, odnosno smanjenje budžeta. Problemi za JP KOMOS su usložnjeni zbog činjenice da u Mostaru nikada nije provedena odluka o ujedinjenju komunalnih preduzeća. Radnici preduzeća, koji potražuju plaće i doprinose, u više navrata su protestovali kako bi primorali vlasti da riješe njihove probleme. Zaključno sa 31.12. 2013. godine kompanija je imala 138 zaposlenika. Grad Mostar vlasnik je 51 posto dionica u JP Komos, dok 49 posto kompanije predstavlja privatni kapital. General Servis doo Sarajevo, koji se protivio podnošenju zahtjeva za stečaj, posjeduje 10,4%, Miroslav Krezić 9%.